



林園月令二編

一

津田文庫
文庫 1
1697
9



20

15

10

柳灣先生纂輯

林園月令二編

萬笈堂叢兌

早稲田大學
圖書館藏

林園月令

二編目錄

卷一



正月

二月

卷二

三月附鶯 燕 蝶 蜂

蛙

林園月令

二編目錄

一

010190603160

卷三

四月

五月

卷四

六月

附

杜鵑

蟬

螢

卷五

七月

八月

卷六

九月

附

雁

蟋蟀

卷七

十月

十一月

卷八

林園月令

二編目錄

二

7697-9

十二月 附 鴛鴦 鴨

林園月令二編卷一

新瀉館 機 樞卿 纂輯

○正月

徐士俊月令演月令首春東風解凍蟄
蟲振躍冰魚跳弄有獺祭魚爰作水供
候雁北歸草木萌動 王嗣槐錦帶連
珠庾嶺梅花纒綴南枝之王隋隄楊柳

林園月令

二編卷一

正月

欲搖東渚之金，真臺迎三素之雲，仙
柱承八風之露，妖花滿苑，碎芳錦于
青蛾野蝶，翻階綴彩絲，于紅女。
流風回雪，六花點謝客之裘，麗日鳴鳩，雙羽
隱漢皇之采，漱桃英於清露，醉栢葉
於柔風，蓬萊夜闕，鳳銜青玉之枝，雲
母朝牕，燕舞離珠之錦，汲玄圃之清

泉沃嶠山之紅雲，青塗細草宛轉和
風寒，岫幽花舒遲暖水，唱吐杏之新
音，合采蓮之妖舞，百華同樹，光生紅
虺之膏，五葉浮盤，香發青條之氣，程
羽文一歲芳華，燭焰薰天，月中掩桂香
塵撲地，曲裏落梅，顧祿清嘉錄，元旦
為歲朝，比戶懸神軸，於堂中陳設几案，

具香蠟以祈一歲之安俗忌掃地乞火
汲水并針剪男女以次拜家長畢主
者率卑幼出謁鄰族戚友或止遣子弟
代賀謂之拜年至有終歲不相接者此
時亦互相往拜于門門首設籍書姓氏
號為門簿鮮衣炫路飛轎生風靜巷幽
坊動成闕市薄暮至人家者謂之拜夜
節初十日外謂之拜燈節故俗有有心
拜節寒食未遲之譚琳宮梵宇亦交相
賀歲或粘紅紙袋于門以接帖曰接福
或曰代僮案良齋雜記拜年無論識與
不識望門投帖賓主不相見登簿而已
然長元志載俗尚拜年有從未識面互
相投帖以多為榮者此風不行于守禮

清門 有遣僕投紅單刺至戚若友家者多不親往答拜者亦如之謂之飛帖案褚人獲堅齋集云拜年帖國初用古簡有稱呼康熙中則易紅單書某人拜賀素無往還道路不揖者而單亦及之文待詔集有拜年詩不求見面惟通謁名紙朝來滿敝廬我亦隨人投數紙世

情嫌簡不嫌虛 以官階升降為圖六
散擲之取入閣之讖謂之陞官圖無名
氏陞官圖樂府云一朝官爵一張紙可
行則行止則止論才論德更論功特進
超陞在 不同只有賊私大干律再犯三
犯局中出紛紛爭欲做忠臣楊左孫周
有幾人當日忠臣不惜命今日陞官有

捷徑案談書錄陞官圖今謂之百官鐸
相傳此圖乃明倪鴻寶所造其實官名
雖從時而圖戲則自唐已有房千里
子選格序云開成三年春予自海上北
徙舟行次洞庭之陽繫船野浦下遇二
三子號進士者以定器雙雙為戲更投
局上以數多少為進身職官之差筆棊

有彩選格久不傳據房序則陞官圖即
古之彩選也王阮亭謂彩選始唐李邵
宋尹師魯踵而為之劉貢父又取西漢
官秩為之取本傳所以陞黜之語注其
下其兄原父喜而序之蔣春雨選官圖
詩近來那便名心淡眼亂官階黜陟書
吳穀人詩云小繪衣冠隊升階文武同

周遭成官跡，呼喝任兒童。捷徑三遷裏，
官情一紙中。清江有題句，識取畫圖工。
元旦後戚若友，遞相邀飲至十五日。
而止。俗稱年節酒。范來宗留客詩云：登
門即去，偶登堂或是知心。或遠方柏酒
初開，排日飲辛盤。速出隔年歲，老饕饕
飲情忘倦。大户流連態怕狂，沿習鄉風。

最真率。五侯鯖，遜一鍋。香案法苑珠林。
唐長安風俗。元旦已後，遞飲酒相邀迎。
號傳坐酒。吳穀人新年雜咏小序云：新
年家設酒餚，延客三五行，即辭出，亦有
盡醉而歸者。鄉農以糯穀入焦釜，老
幼各占一粒，曰爆。李婁謂卜流年之休
咎。案范成大吳郡志：王整姑蘓志：張司

直太倉州志皆云吳俗以糯穀爆花曰
孛婁然不詳何日江震志載十三日以
糯穀投焦釜作米花謂之爆孛婁崑新
合志載十四日以糯穀爆釜中名孛婁
常昭合志載上元日以糯穀投焦釜曰
卜流互有不同李戒庵孛婁詩云東入
吳城十萬家家爆穀卜年華就鍋拋

下黃金粟轉手翻成白玉花紅粉佳人
占喜事白頭老叟問生涯曉來粧飾諸
兒女數點梅花插鬢斜春前一月市
上已插標供買春餅居人相餽賂賣者
自署其標曰應時春餅案孫國敎燕都
游覽志立春日子午門賜百官春餅陳
迦陵詞爭覓取金盤咬注立春日咬春

餅謂之咬春。諸叢林各建歲醮，士女
游玩琳宮梵宇，或燒香答願，自此翩翩
徵逐，無論遠近，隨意所之。城中圓妙觀
尤為遊人所爭集，賣畫張者聚市于三
清殿，鄉人爭買芒神春牛圖，觀內無市
鬻之，舍支布幕為廬，晨集暮散，所鬻多
糖果，小吃瑣碎玩具，間及什物而已。雜

耍諸戲，來自四方，各獻所長，以娛遊客。
之目，如立竿，百仞建幟於顛，一人盤空
拔幟如猴之升木，謂之高竿。索上長繩
繫兩頭於梁，舉其中央，兩人各從一頭
上交相度，謂之走索。小兒緣長竿，倒立
尋復去手，久之垂手翻身而下，謂之穿
跟斗。長劍直插入喉，嚙謂之吞劍。取所

佩刀令人盡力刺其腹刀摧腹儲謂之
弄刀置磁鬘於拳以手空中抓之令盤
旋腰腹及兩腋兩股瞥起倏落謂之弄
鬘或以磁盆置竿首兩手交換有時飛
盆空際仍落原竿之上謂之舞盆置丈
許木於足下可以起乘謂之踏高橋以
毯覆地變化什物謂之撮戲法以大盆
水覆毯令隱去謂之飛水置五紅豆於
掌上令其自去謂之摘豆以錢十枚呼
之成五色謂之大變金錢兩人裸體相
撲謂之擺架子鳳陽人蓄猴令其自為
冠帶并豢犬為猴之乘能為磨房三戰
諸齣俗呼猴撮把戲圍布作房支以
一木五指運三寸傀儡金鼓喧噴詞白

則用叫額子均一人爲之俗呼木人頭
戲牽絲戲彷彿傀儡手足皆以絲牽運
動故名穹幙於壁一人在幙中作數人
問答語謂之隔壁戲以扇撲桌狀鳥之
鼓翅繼作百鳥之聲皆出自口中謂之
百鳥像聲江寧人造方圓木匣中綴花
樹禽魚神怪秘戲之類外開圓孔蒙以
五色瑁瑯一目窺之障小爲大謂西洋
鏡又有洋画者以顯微鏡倒影窺之障
淺爲深以画本法西洋故也江陰人搏
五色粉狀諸人物曰粉人截紫白竹尺
餘上開六孔吹之謂之太平簫以竹簧
夾箬置舌間可吹小曲竹筒二三寸許
貫以粧域以綫裹之就地盤旋引風入

竅作汪汪聲謂之地鈴篋絲糊紙爲蝴蝶人物之形風中飛揚謂之絲鷄瞽男盲女擊木魚銅鈸答唱前朝故事謂之說因果攤簧乃弋腔之變以琵琶絃索胡琴檀板合動而歌餘如測字起課算命相面大率江西人賃居宇下藉以覓食男女之間災福者到處聞羶蟻聚茶

坊酒肆及小食店門市如雲宴人裝水煙爲生者逢人祇應以此少錢會贈之托盤供買食品者亦所在成市至城外西園則擲饅首於放生池引黿浮水而食以爲樂婦女暗數羅漢卜年庚之順逆至十六日然後學子攻書工人返肆農人各執其業謂之新年范來宗遊觀

詩云仙都玄妙六門中，遐邇爭趨老少同。大地廣場逾鶴市，諸天法相若螯宮。種桃道士重門杏，賣果兒郎百戲空。何事千人齊引領，香輿帟露石榴紅。又蔡雲吳飲云：城外西園城內觀，趁閒趁鬧儘嬉頑。可憐佛宇仙宮好，混却茶鑪酒肆間。又云：彌羅閣陰花爆稀，長生殿邊

絲鷄飛，冶容少婦入人海，輕薄兒郎慣打圍。注：新年遊玩圓妙觀婦女之容飾，妖邪者遊人環集，謂之打圍，固由自取，然亦無人禁止之也。

麗藻五言律詩

人日涇川道中

清施閏章尚白

人日日初晴，春風昨夜生。野梅誰早折，

凍土又新耕，餘雪娟娟白。
流嘶瑟瑟鳴，琴溪聞控鯉。
駐馬一含情。

新春喜晴

王士正 貽上

人日緒風輕，遙連穀日晴。
春光一駘蕩，梅柳漸分明。
南畝土膏動，小池泉脉生。
田家飯黃犢，戴勝欲催耕。

餘寒

德淵 □□

花事憎寒甚，啼春鳥故催。
樹空懷剝雪，蕉裏待聞雷。
村路濕猶斷，溪雲暗不開。
膽瓶留臘水，誰寄野梅來。

土牛

蔣士銓 心餘

早潦占頭角，豐凶驗尾蹄。
游春雜冠蓋，過市謝鉏犁。
管領三農穀，胚胎一斗泥。
鞭聲雷響處，犢子任分携。

五九

趙

翼

雲崧

五九寒初退，好風來自東。
春情雲淡蕩，曉夢月朦朧。
燈火分棚賽，笙歌度曲工。
清遊動，高興吾亦與人同。

尋春

吳錫麒

聖徵

蓬蓬渾不遠，盎盎竟難名。
酒熟花初發，天晴草亂生。
何來南浦恨，不盡夕陽情。

破得青山笑，流鶯又一聲。

正月十二日探梅鄧尉

曾

燠

賓谷

昨日信風來，癡雲為我開。

前數日甚雨，十一日立春。

始鶯聲過茂苑，草色發蘓臺。
小巷緣村曲，羣峰與柁回。
忽見花倒影，舟已繫林隈。

處處載春陽，家家向水扉。
橫枝從礙路，香霧漸霑衣。
憇石憐青蘚，扶筇盼翠微。
此時幽興極，老圃欲相依。

五言排律

東風解凍

清 吳錫麒 聖徵

北陸辭寒暑，東皇告協風。
一番花醞釀，幾日凍消融。
力運吹噓裏，春生浩蕩中。

開奩明鏡皎，出手剪刀工。
溜放嘶先活，渠穿脉乍通。
人間青律轉，江上綠波同。
妙化尋無迹，微和扇不窮。
順時申巽命，首事急農功。

蟄蟲始振

天意憐群蟄，春風鼓盪俱。
歲身何偪仄，得氣在須臾。
股翅初知奮，冰霜漸覺無。

人將觀變化爾亦厭泥塗
惘恍醒前夢
飛騰想故吾已看機躍躍會待震蘓蘓
欲達情原共求伸理不殊娟蠖歸一體
膏澤仰皇衢

魚上冰

水暖魚先覺揚鬣欲上冰
掀如披壘障
游尚礙餘凌玉尺拋應見銀刀裂已勝

蹙空綃散纈吹沫鏡搖菱
踊躍爭三級
晶瑩透一層駢頭從此始
燒尾幾時曾
鷺立潛偷眼漁歸預結曾
會逢雷雨助
溟渤看飛騰

獺祭魚

有獺喧溪口維魚肅祭儀
文章人欲效
禮法爾偏知凍浦通波早
寒沙候月遲

淵歐能踴躍，鱗次不參差。流水迎神曲，
春風報本思。團團陳四面，默默祝多時。
鷺讓煙汀占，鮒愁畫板窺。明朝習呂動，
好伴老漁炊。

鴻雁來

北聽歸來雁，如今出塞歌。光陰霜信換，
蹤跡雪泥過。碧落同瞻斗，黃雲候渡河。

稻梁前計誤，儔侶故鄉多。不惜衝風雨，
爭如避網羅。遲回書遠遞，寥落字斜拖。
夢已投沙磧，情還帶水阿。隨陽知有願，
翹首望恩波。

草木萌動

東風吹草木，消息報句芒。曖曖通村落，
蓬蓬在夕陽。天心工醞釀，春色入蒼茫。

似雜微煙活都空小閣望燒痕旋破碧
遠意欲挽黃淡冶山分去溟濛水借將
金勾猶自屈綠幄幾時張早晚生機透
恩暉太液長

七言律詩

早春即事和伯衡

清施閏章尚白

卓帽扁舟興杳然憑陵高閣俯山川
餓憐獨鶴看人立笑指輕鷗覺汝賢
庭橘自移疎雨後官梅爭放早春前
棲遲祗見添斑鬢不記滄江卧幾年

春正四日謝孝廉徵雲招飲一枝

山房

陳兆崙星齋

亞字城南烏石西市塵不到稱出棲一

聲山犬穿雲，吠幾處。林鳩帶雨啼，掃葉
煮泉丹井暖，就花移。殘石林低，平生賸
有春襟，在纔入新年，醉似泥。

春初雪不止

王爾達 通侯

江鄉臘盡欲回春，雪共春來又浹旬。攬
鏡漸悲青鬢改，對床猶喜白頭新。地鑪
溫暖添蕪火，漁艇蕭條罷釣綸。何日凍
消梅意動，携柑貰酒趁芳辰。

早春過趙升之邨居看梅兼寄吳

企晉

黃文蓮 庭芳

溪雲林靄望中移，數里江村步屨遲。閑
客正空無事，飲幽花偏愛半開時。水邊
烟淨浮空影，籬外香來露瘦枝。忽憶銅
坑山下路，十年風雪負前期。

迎春

袁枚
子才

迎春莫恠春難見，好處從來過後知。
隔歲梅花報芳信，倚門楊柳望歸期。
無邊暖漏聲聲促，有脚青旗步步移。
料得東皇非長吏，不應嫌我出郊遲。

初春懷鄉雜詠

錢大昕
曉徵

王風瑣碎記村氓，故老相承例莫更。
依

子驅邪蒙紙面，釧童祀竈爇燈檠。
支門炭取長身立，印砌灰偏巧樣呈。
拜節家家總相識，不用半刺更通名。

人日元宵興不孤，小時了了記歡娛。
燒燈巧解藏頭謎，對局偷拈謁選圖。
潘叟踏歌宵按板，陳孃貰酒午當壚。
橋東巷北嬉遊地，二十年来夢故吾。

戊辰元日

趙翼雲崧

履端晨慶斗柄回，遙叩天門詆蕩開。
荒後人情皆望麥，臘前花信暗催梅。
寥空雪少欣償雨，閏歲春遲未響雷。
老去情懷惟祝國，籌車會見屢豐來。

新正五日得雪效香山體

旱後災黎望有年，欣逢瑞雪立春前。
天

如大磨霏，乾麩地怯枯皮覆。厚糲未即
救飢先畫餅，已堪解凍當鋪綿。也知花
信風先報一綫生機在麦田。

新正初五日大雪

一冬無雪到平田，新歲瓊英遍八埏。
預兆年豐天雨玉，似防春冷地鋪綿。
肥添梅朶香猶斂，清淬茶芽色倍鮮。
却省出

門扉應兀明牕靜擁一爐煙

人日大雪喜賦

人日欣逢瑞雪來萬花飛舞把春催
鷄聲候認三更月狗迹工摹五瓣梅
大地頌教成玉海新年先喜賞銀杯
老夫鬢亦盈頭白敢詡梁園作賦才

五言絕句

立春日過萬松菴

清林古度茂之

萬松通曲嶺殘雪覆寒池
今日已春色深山猶未知

七言絕句

正月上旬過朱竹垞太史齋中
諸花盛開賦二絕句

清王士正 貽上

馬騰曾說野人家每先去聲東皇管物華
今歲長安霜雪少試燈風裏見唐花
十笏如聞功德香曼殊陀利兩芬芬偶
來小坐談空處政要天花作道場

早春

金尚憲

叔度 朝鮮使臣

水際城邊野馬飛漸聞宮漏晝間稀東

風日日靡蕪綠塞北江南總憶歸

王灘流水遠江涯江上松林是我家昨
夜夢尋烏石路山前山後早梅花

元日牡丹

袁枚 子才

魏紫姚黃元日開真花人當假花猜那
知羯鼓催春早富貴偏從意外來
如何絕代玉環姿蜂未聞香蝶未知想

與梅妃爭早起，叢妝同對雪飛時。
饒他傾國與傾城，自結空山采伴行。
一樣人間金紫貴，占人先處惹人驚。
惱殺當年武媚娘，催開不肯逐群芳。
而今替我飛香早，可乞清平第四章。

正月十七夜

滿窗月色滿池煙，千點寒鴉一客眠。
夢裏忽驚蝴蝶，影梅花飛過枕函邊。

初春

黃任 莘田

晨曦灑灑上窓紗，漸覺銅瓶煖更加。
今歲芳菲春較早，試燈時節滿城花。
小紅初破綠猶稀，懶病心情獨掩扉。
腸斷墻東見楊柳，當年張緒最依依。

竹枝詞

錢大昕 曉徵

膽瓶換水貯清漪，月下燈前影倒披。羅

漢松青，天燭赤，輕黃更間蠟。梅枝新年

瓶中插花蠟，梅天燭。
羅漢松之類

新正

趙翼雲崧

新歲猶遲淑景融，已看兒女換青紅。輿
夫製得新棉襖，昇轎街頭也自雄。

新春寒甚

桃符比戶換春容，偏是經旬雨意濃。閨
歲本來多，一月新正只當隔年冬。

鳳城新年詞

吳錫麒聖徵

日射觥稜曉色鮮，東風未散六街烟。太
平偏是兒童解，鼓打春聲面面圓。

郭外輕車響似雷，風前繡憶有時開。君
王明日親祈穀，小隊紅粧看象來。

林園月令

二編卷一 二月

二十五

春風吹過市聲齊，人影衣香趁馬蹄。骨
董新攤燈又上，遨頭都在殿東西。
牡丹纔坼帶朝酣，旆萼旋舒笑口含。看
到唐花春一色，幾人紅雨夢江南。

○二月

月令演少焉，春仲天桃始。花倉庚既鳴，
鷹化鳩耶。春分玄鳥飛入人家，雷乃發。

聲電啟光華，錦帶連珠雜花。匝樹翔
輕燕于芳園，清藻連波戲。纖鮮于玉淑
白蘋泛水，鷺噴浪之靈蚪。紅樹臨風
撲，戀花之妖蝶。融融芳月，藹藹花朝
別館陰陰已合，長楊之帶閑庭。嚶嚶
繞拋嬌鳥之梭，晴峰幾疊含玉女之
霞。寒澗長迴映金仙之彩，陌上鬪花

還持錦帶隴頭踏草偏縮青綸楚雀
吹和叶綠桐之逸響秦桃吐艷映紫貝
之鮮華旗亭流吹西宮百轉之鶯画
閣新粧上苑三眠之柳夾岸飛花疑
到武陵渡口長堤蹋草欲尋漢浦環聲
黃鳥弄青林之韻紅花洗白雲之姿
一歲芳華飄香隨竿擔風吞宿蝶之
花徙影流衣握月卧聽鸛之酒清嘉
錄二日爲土地神誕俗稱土地公公大
小官解皆有其祠官府謁祭吏胥奉香
火者各牲樂以薦村農亦家戶壺漿以
祝神釐俗稱田公田婆案後漢方術傳
有社公之名是天下之社神宜通謂之
公後譌爲土地公公且繭袍烏帽裝扮

白髮翁矣俗又各立名字更非古制抑
知今之二月二日猶古之社也月令二
月擇元日命民社鄭注謂祀社稷之神
元日謂近春分前後戊日元吉也稱田
公田婆者即提要錄所云社翁社母也
田事將興故祀之以祈農祥是日以
隔年糕油煎食之謂之穿腰糕蔡雲吳

飲云二月二日春正饒掌腰相勸餞花
饒支持紫米憑身健莫惜終年筋骨勞
又徐士鉉吳中竹枝詞云片切年糕作
短條碧油煎出嫩黃嬌年年穿得風難
擺恠道吳孃少細腰案劉若遇蕪史燕
俗二月二日用黍麩棗糕以油熬之曰
薰蟲吳曼雲江鄉節物詞小序云杭俗

二日煎餠燭豆以祀土地謂即春祭社之禮有餠花凝白豆其紅之句方以智通雅定即張一作棠雌爭反集韻謂支柱也崑新合志二月二日食門腰餠門字書無此字俗呼雌鎗反去聲十二日爲百花生日閨中女郎剪五色綵繪黏花枝上謂之賞紅希邱花神廟擊牲獻樂以祝仙誕謂之花朝蔡雲吳歛云百花生日是良辰未到花朝一半春紅紫萬千披錦繡尚勞點綴賀花神案周處風土記及提要錄皆以二月十五日爲花朝崑新合志云二月十二日爲花朝花神生日各花卉俱賞紅鎮洋志以十二日爲崔元微護百花避封姨之辰

故剪絲條繫花樹為幡然鄭還古博異
記載元微事只云春夜不言月日十
九日為觀音誕辰士女駢集殿庭炷香
或施佛前長明燈油以保安康或供長
幡云求子得子既生小兒則於觀音座
下飯依寄名可保長壽僧尼建觀音會
莊嚴道場香花供養婦女自二月朔持

齋至是日止俗呼觀音素六月九月朔
至十九日皆如之相傳十九日為觀音
誕六月十九日為觀音成道之辰見吳
懸舊志 觀音誕日有至支硎山朝拜
者望前後已聯綴於塗馬鋪橋迤西乃
到山路也人多賃坐竹輿資以代步不
帷不蓋兩人肩之以行俗呼觀音山篙

子案府志云府西二十五里有支硎山
以山之東趾有觀音寺故又名觀音山
徐崧張大純百城烟水云支硎山俗稱
觀音山三春香市家盛二十八日為
老和尚過江必有風報若吹南風主旱
案范成大吳船錄云丁巳泊長蘆襍被
宿寺中此為菩提達磨一葦浮渡處然
未嘗指定此日也崑新合志謂二十七
日二十八日南風主旱諺云念七念八
吹得廟門開螭螺蚌蜆哭哀哀清明
前後陰雨無定俗呼神鬼天或大風陡
起黃沙蔽日又謂之落沙天蔡雲吳敏
云劈柳吹花風作顛黃沙疾捲路三千
寄聲莫把冬衣當耐過一旬神鬼天案

帝京景物略燕俗謂陰雨為酒色天

麗藻 五言律詩

二月六日雪谷梅耦長兼示陸冰

脩 清 王士正 貽上

長安春雪好，作態故霏霏。
乍入幽蘭曲，真疑柳絮飛。
故人同委巷，曉色共清暉。
且擬調湯餅，比鄰問陸機。

春霽 閔 華 蕙風

匝月始開霽，小園春未闌。
好風清宿雨，遲日散朝寒。
鳥語交喧樹，花陰半覆欄。
遙憐湖上路，塵暝撲雕鞍。

春半 錢 塘 禹美

紅紫尚無信，萋萋綠漸遙。
嫩寒歸柳陌，微雨及花朝。
白舫堤邊水，青旗渡口橋。

賣錫時節近幾處有吹簫

花朝雨

馮 祝古浦

已過中和節芳菲覺漸饒春風喧昨夜

細雨入今朝繁縷紅生樹浮蛆綠艷飄

祝花曾有訂昔年在京曾和孔東此日塘訂一日為花朝詩

慰無聊

五言排律

桃始華

清 吳錫麒 聖徵

桃源何處問竹外漸紅歌淺笑逢今日

無言見一枝午風霞欲活花信水先知

井畔雙鬟亞牆頭半面窺折來驄馬上

看到鯁魚時灼灼緋新賜斑斑錦乍披

饋頰和白雪畫合暈燕支春色蓬萊永

香添萬壽卮

倉庚鳴

春色來天上，間關聽一聲。為傳幽谷意，
如見故來情。金縷歌初熟，銀簧炙更清。
寒暄通好語，早晚話前盟。校擲絲絲急，
珠飄串串輕。賣花深巷，兩飛絮，半湖晴。
斗酒雙柑出，千回萬轉迎。鈞韶聞帝所，
願效鳳凰鳴。

鷹化為鳩

鷹揚何太武，鳩拙信非倫。不意陽和動，
先占變化神。錦繡纒掣足，黃褐早被身。
榭歌呼風日，村邊喚雨辰。消磨頭角舊，
洗刷羽毛新。田水情初戀，煙霄夢已馴。
盛時無搏擊，大造有陶甄。同樂春風裏，
還醇感帝心。

玄鳥至

社酒罷隣翁呢喃西復東小樓春雨後
深巷夕陽中草又今年碧襟猶去日紅
夢迷飛絮雪舞蹴剪刀風來往芳叢熟
商量軟語工香泥拋細碎繡箔坐玲瓏
身已新巢穩情還舊主通雙棲重照見
黃月淡濛濛

雷乃發聲

鈴鈴聲啟蟄虩虩勢凌虛宛轉千盤後
艱難一震初人間能失箸天上只行車
風雨驅馳驟龍蛇變化徐摘茶遙應鼓
驚筍促携鋤花縣聽全徹潮音沸略如
先機能感雉尾段仗燒魚換號由宸極
乘陽仰發舒

始電

陰陽相激薄，列缺得乘權。乍見光流地，
方知笑自天。無聲撩眼過，作勢助雷先。
蟄穴窺俱徹，花枝照欲燃。幾時飛破鏡，
一霎掣神鞭。兩脚青邊閃，雲頭黑處穿。
觀心殊可駭，燭物信無偏。上協離明治，
垂輝遍八埏。

二分春色到花朝

百花誰醞釀，初度說今朝。色尚三分欠，
春先二月饒。破時風剪試，來處畫搖招。
價已千金值，粧寧半面消。暗塵隨錦障，
明月夢紅橋。修定前身到，濃須十倍描。
燕憑文杏祝，蠟爲海棠燒。聽徹香陰外，
神絃奏綠么。

七言律詩

二月十五日尋春過偶圃憶朱大

清祝維詰宣臣

暖風到，暖動吟魂。芳草閑尋近，郭村黃
耳隔籬能認客。蒼頭劉篋自開門。春留
元亮花三徑，飲乏劉伶酒一尊。迢遞京
華游子，在旗亭新唱，與誰論。

社日集紫藤花庵 黃 任 莘田

誰忍芳菲寂寞中，詩情天遣到牆東。坐
侵細草袍分翠，行碍欹枝憤落紅。酒力
漸消斜去日，茶煙輕裊晚來風。與君真
率頻頻會，莫惱三廳李社公。

二月十五日

誰牽鈴索護芳辰，又幾番風到麴塵亞。

字疎簾丁字檻十分明月五分春紅來
人面濃於酒綠上裙腰軟似茵相約百
花生生日玉釵不折一枝斜

花朝夜雨陪東閣讌集示雲峰

徐鏞慶朗齊

吳江官舍柳如烟餵鶴修琴費俸錢東
閣懸簾一尊酒春燈飄雨百花天醉來
世事關心事人入中年憶少年他日定
知追此會封題應寄薛濤箋
五言絕句

揚山紀行

清林古度茂之

青山三十里歷歷多烟邨碧柳垂近水
殘梅開傍門

社日二首

朱彝尊錫鬯

幾日社公雨，芥泥香滿汀。生憎飛燕至，不放海東青。

藥甲何曾碧，花枝亦未紅。治聾有方法，只恨酒錢空。

七言絕句

春日田家

清宋 琬玉叔

白石青沙接草亭，槿籬疎密柳青青。閑

來散帙憑烏几，自寫龜蒙未耜經。

野田黃雀自為群，山叟相過話舊聞。夜

半飯牛呼婦起，明朝種樹是春分。

鄧尉竹枝詞

王士正 貼上

二月梅花爛熳開，遊人多自希山來。新安塢畔重重樹，畫舫青油日幾回。

春日南坨雜詩

朱彝尊 錫鬯

社公小雨不黏沙，瞥見迎風燕子斜。
料是東家巢已定，但來花底啄芹芽。

花朝

秦松齡 留仙

晴便可憐，雨無奈。弄晴作雨，最愁人東。
風若遣春光到，誰道他鄉不當春。

社日

趙執信 伸將

濃花有信煩風伯，微雨何緣乞社公。
莫

上高樓看柳色，春愁多在暮山中。

杭州半山看桃

馬日璐 佩兮

山光皛皛映明霞，燕子低飛掠酒家。
紅影到溪流不去，始知春水戀桃花。

吳中雜咏

朱方藹 吉人

蕙草初香二月天，白公堤畔柳如烟。
詩春少年携箏笛，齊上吳娘六柱船。

玉山

宋維藩瑞屏

山城春色轉，垂柳竹板肩。輿石路長知，
是近南芳信。早晴風二月，菜花時。

水村

王鳴韶夢律

春水灘頭鳧鴨眠，牽絲弱柳拂蒼烟。遙
岑一抹清如洗，知是江南二月天。

春繡詞

陳朗泰暉

紅襟新燕已，誦誦陌上天。桃開兩三買，
得越溪絲半幅。唾絨寫出小江南。

春陰

恒仁育萬

香車寶馬滿春城，盡道遊春未放晴。我
愛養花天氣好，密雲微雨近清明。

春日即事

袁枚子才

二月天桃攔路開，一枝筇杖踏青回。山

行偏愛逆風立花片撲人如雨來

二月十二日

紅梨初綻柳初嬌二月春寒雪尚飄除却女兒誰記得百花生日是今朝

花朝日戲諸姬

花朝時節祭花神片片紅羅縛樹身爭獻百花生日酒不知誰是似花人

竹枝詞

錢大昕 曉徵

花朝二月雨初晴笑語相將北郭行折得細桃剛一朵小鬟偷歷鬢雲輕俗以二月

十二日為花朝城西北隅多桃花

今歲閏在仲春春光較多一月而風雨連旬晴和反少於往年詩以

誌感

趙翼 雲崧

枉着天公閨仲春風風雨雨動兼旬百
花不是黃楊樹也似身遭厄運屯
正喜春長緩緩過暗中偏已減陽和可
應天亦隨風氣近日人情口惠多
偏仄吟成一畝宮芒屨難踏落花紅仲
殊詩句聊堪慰春在濛濛細雨中

春仲出行

嫩黃新柳未成陰幾日春風綠滿林絕
似玄纁三入後一番加染一番深
自是東風引綺羅撩人春色不須多一
枝紅杏出牆見便有少年携酒過

花朝

吳錫麒 聖徵

長紅小白共招要香霧空朦蠟燭燒柳
外一丸黃月上窠團圓夕作花朝

林園月令二編卷一

